



Pou Piblikasyon Imedya: 06/09/2020

GOUVÈNÈ ANDREW M. CUOMO

GOUVÈNÈ CUOMO AK CHANSELYE MALATRAS LANSE TABLOBÒ SUIVI KA COVID-19 POU 64 KOLÈJ AK INIVÈSITE SUNY YO

SUNY Lanse Tablobò Suivi Ka Covid-19 an Tan Reyèl ki Fasil Aksesib, pou Siveye, Reponn, ak Metrize Viris la avèk Efikasite

Jodi a Gouvènè Andrew M. Cuomo ak Chanselye Jim Malatras te anonse lansman yon tablobò [suivi ka COVID-19](#) nan tout sistèm SUNY an. Tablobò ki santralize a pral bay enfòmasyon ajou an reyèl sou ka COVID-19 yo, tès, ak disponiblite espas karantèn ak izòman an nan 64 kolèj ak inivèsite SUNY yo pou kontwòle, reponn ak metrize viris la ak plis efikasite.

"Eta New York ap pran mezi imedya pou adrese pwopagasyon COVID la nan kolèj ak inivèsite SUNY yo e nouvo tablobò sa a pral ede etidyan, paran ak pwofesè yo rete enfòm sou dènye done yo", **Gouvènè Cuomo te deklare.** "Mwen ankouraje kominote SUNY nou an pou nou rete vijilan pandan viris la ap kontinye rete yon kriz nasyonal ak mondyal - mete mask, distanse sosyalman epi se pou nou entèlijan."

Chanselye Inivèsite Eta New York la, Jim Malatras, te deklare, "Pliske ka koronaviris yo parèt toudenkou nan kanpis kolèj nou yo, nou ap revize done ka an tan reyèl 24 sou 24. Done sa yo enpòtan anpil pou ede SUNY pran desizyon rapid, entelijan ki metrize COVID-19 ak pwoteje kominote kanpis nou yo. Avèk lansman nouvo tablobò Suivi Ka COVID-19 sa a, tout moun kapab jwenn aksè ak menm done sa kounye a. Kontwòle viris sa a se efò yon ekip. Kòm nou mande tout moun leve defi a epi aji ak responsabilite, nou dwe etidyan yo, pwofesè, anplwaye, ak kominote ki antoure yo enfòmasyon ka ki transparan, fasilman aksesib, epi ki ajou. Si nou tout enfòm epi pran rezolisyon pou nou travay ansanm pou pran desizyon ki baze sou done nan enterè sekirite piblik la, nou ka rann ka COVID-19 yo bese epi gen yon semès ki pote siksè".

Tablobò Suivi Ka COVID-19 la pral founi yon kontaj ka pou SUNY ak pou kanpis endividyèl yo. Kanpis yo pral rapòte done yo chak 24 èdtan epi ajoute yo nan tablobò a chak jou. Tablobò a gen ladan tou enfòmasyon vital sou diferan kalite tès yo administre, done tès chak jou ak chak semèn, to pozitivite an jeneral, espas karantèn ak espas izolasyon ki disponib, ak ospitalizasyon. Yo ap devlope suivi a epi yo pral ogmante li kòm nouvo kategori nan done ki vin disponib yo.

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)